

Воскресна служба 3-го гласа.

В субботу на велицей вечерни.

На Господи возвах поставим стихов 10, и поем стихиры воскресны, глас 3.

1. Стих: Изведи из темницы душу мою, / исповедатися Имене Твоему.

Твоим Крестом, Христе Спасе, / смёрти держава разрушися, / и диаволя прелесть упразднися, / род же человеческий, верою спасаемый, // песнь Тебе всегда приносит.

2. Стих: Мене ждут праведницы, / дондеже воздаси мне.

Просветишася всяческая / Воскресением Твоим, Господи, / и рай паки отверзется, / вся же тварь восхваляючи Тя, // песнь Тебе всегда приносит.

3. Стих: Из глубины возвах к Тебе, Господи, Господи, услыши глас мой.

Слаблю Отца и Сына силу, и Духа Святаго пою власть, нераздельное, несозданное Божество, Троицу Единосущную, царствующую во век века.

Ины стихиры, анатолиевы, глас тойже.

4. Стих: Да будут уши Твои внимлюще гласу моления моего.

Кресту Твоему честному поклоняемся, Христе, и Воскресение Твое поем и славим. Раною бо Твоею мы вси исцелехом.

5. Стих: Аще беззакония назриши, Господи, Господи, кто постоит; яко у Тебе очищение есть.

Поем Спаса от Девы воплощагося. Нас бо ради распяты и в третий день воскресе, даруя нам велию милость.

6. Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Сущим во аде сшед Христос благовести: дерзайте, глаголя: ныне победих, Аз есмь Воскресение, Аз вы возведу, разрушив смертная врата.

7. Стих: От стражи утренния до нощи, от стражи утренния, да уповае Израиль на Господа.

Недостойно стояще в пречистом доме Твоем, вечернюю песнь возсылаем, из глубины взывающе, Христе Боже: просветивый мир тридневным воскресением Твоим, изми люди Твоя от руки врагов Твоих, Человеколюбче.

Слава и ныне: Богородичен, глас 3:

Ка́ко не дивѣмся/ Богомѹжному Рождеству Твоему, Пречестна́я?/ Искуше́ния бо мужескаго не приимши Всенепоро́чная,/ родила́ бо еси без Отца Сына плотию./ Пре́жде век от Отца рожденнаго без ма́тере,/ ника́коже претерпевшаго изменения, или смещения, или разделѣния,/ но обою́ существу свойство цело сохра́ньшаго./ Темже Мати Дево Влады́чице,/ Того́ моли спасти́ся душам, // православно Богоро́дицу испове́дающих Тя́.

Таже вход с кадилом. Свете Тихий: Прокимен и ектении.

На стиховне стихиры воскресны, глас 3:

Стра́стию Твоею, Христе́,/ омрачи́вый со́лнце,/ и све́том Твоего Воскресе́ния,/ просвети́вый вся́ческая, // прими нашу вечернюю песнь Чело́векѹлюбче.

По алфавиту:

Стих: Господь воцарися, в лепоту облечеса.

Живоприемное Твое Востание Господи, вселенную всю просвети, и Твое создание истлевшее призва. Темже клятвы Адамовы изменшеса, вопием: Всесильне Господи, слава Тебе.

Стих: Ибо утверди вселенную, яже не подвижется.

Бог сый неизменен, плотию стражда изменился еси, Егоже тварь не терпяще висяща зрети, страхом прекланяшеса, и стенияци поет Твое долготерпение: сошед же во ад, тридневен воскресл еси, жизнь даруя миру, и велию милость.

Стих: Дому Твоему подобает святыня, Господи, в долготу дней.

Да род наш от смерти Христе избавиши, смерть претепел еси: и тридневен из мертвых воскрес, с Собою воскресил еси, иже Тя Бога познавших: и мир просветил еси. Господи, слава Тебе.

Слава и ныне: Богородичен, глас 3:

Без се́мене от Божественнаго Ду́ха,/ во́лею же Отчею зачала еси Сына Бо́жия,/ от Отца́ без матере прежде век су́ща:/ нас же ради, из Тебе без отца бы́вша,/ плотию родила́ еси́,/ и Младѣнца млеко́м пита́ла еси́./ Те́мже не престай моли́ти, // избавитися от бе́д душам на́шим.

Таже, Ныне отпускаеши: Трисвятое. По Отче наш: